



CONCELLO DE FRIOL (LUGO)

No Salón de Actos da Casa do Concello, ás trece horas e trinta minutos do vinte e oito de marzo de dous mil dezanove, reuníronse en sesión ordinaria (á que foron previamente convocados) baixo a presidencia do Sr. Alcalde Don José Ángel Santos Sánchez, os concelleiros Don Mauro Faustino Mourín González, Don Jesús Julio Cortiña López, Dona María Isabel García Pacín, Don Juan Carlos Casal Pena, Dona María Josefa Janeiro Vizcaíno, Dona María Ángeles Pilar López López, Don José Antonio Barreiro Villar e Dona María de los Ángeles Martínez Martínez.

Non asisten os concelleiros Dona Fátima Iglesias Núñez e Don Álvaro Santos Ramos.

Asiste como Secretario o da Corporación, Don Julio González Casanova.

Seguidamente pasouse a tratar os asuntos incluídos na orde do día da sesión.

1.- APROBACIÓN, SE PROCEDE, DO BORRADOR DA ACTA DA SESIÓN ANTERIOR.- Dáse conta ao Pleno do borrador da acta da sesión ordinaria celebrada o vinteseite de decembro de 2018, repartido coa convocatoria. Polo Sr. Alcalde pregúntase aos señores concelleiros se están de acordo coa redacción da acta, ou queren facer algunha alegación ao respecto.

Á vista de que polos señores concelleiros non se desexa formular ningunha cuestión ao respecto, o Pleno do Concello, en votación ordinaria e por unanimidade dos asistentes (nove votos a favor) **ACORDA** prestar aprobación ao borrador da acta da sesión ordinaria celebrada o vinte e sete de decembro de 2018, proclamando o Sr. Alcalde o acordo adoptado.

2.-ADHESIÓN A CONVENIO SUBSCRITO ENTRE A AXENCIA ESTATAL DE ADMINISTRACIÓN TRIBUTARIA E A FEDERACIÓN ESPAÑOLA DE MUNICIPIOS E PROVINCIAS EN MATERIA DE SUBMINISTRO DE INFORMACIÓN DE CARÁCTER TRIBUTARIO.- Dáse conta ao Pleno da Proposta da Alcaldía ao respecto. Faise constar, non obstante, que na convocatoria da sesión figura por erro "*Federación Galega de Municipios e Provincias*". Na proposta, onde figura correctamente "*Federación Española de Municipios e Provincias*" dise que en abril de 2003, asinouse convenio entre a Axencia Estatal de Administración Tributaria e a Federación Española de Municipios de Provincias, para a cesión de información de carácter tributario. O convenio ten por obxecto establecer o marco xeral de colaboración sobre as condicións e procedementos polos que se debe rexir a cesión de información, preservando en todo caso os dereitos das persoas ás que se refire a información.

En orde á colaboración entre as administracións públicas para o desenvolvemento das súas funcións, respectando o disposto na lexislación reguladora dos dereitos e garantías de contribuíntes, propónse ao Pleno do Concello a seguinte proposta de acordo:

- "A adhesión expresa do Concello de Friol a todas e cada unha das cláusulas do convenio, asumindo as obrigas derivadas do mesmo, e con suxección a todas e cada unha das súas cláusulas, que permita o subministro de información por medios telemáticos, dentro do establecido na normativa de aplicación.
- Facultar ao Alcalde-Presidente para a realización das xestións pertinentes e a sinatura da documentación que sexa necesaria, en orde á efectividade do acordo".

Á vista da proposta, polo Sr. Alcalde ábrese o turno de intervencións. Á vista de que polos señores concelleiros non se desexan facer intervencións ao respecto, o Pleno do Concello en votación ordinaria e por unanimidade dos asistentes (nove votos a favor) **ACORDA**:

- A adhesión expresa do Concello de Friol a todas e cada unha das cláusulas do convenio, asumindo as obrigas derivadas do mesmo, e con suxeción a todas e cada unha das súas cláusulas, que permita o subministro de información por medios telemáticos, dentro do establecido na normativa de aplicación.
- Facultar ao Alcalde-Presidente para a realización das xestións pertinentes e a sinatura da documentación que sexa necesaria, en orde á efectividade do acordo.

Unha vez rematada a votación, polo Sr. Alcalde, procedeuse a proclamar o acordo adoptado.

3.- ADHESIÓN A CONVENIO SUBSCRITO ENTRE A AXENCIA TRIBUTARIA DE GALICIA E A FEDERACIÓN GALEGA DE MUNICIPIOS E PROVINCIAS EN MATERIA DE SUBMINISTRO DE INFORMACIÓN DE CARÁCTER TRIBUTARIO, ASÍ COMO DOS DEMAIS INGRESOS DE DEREITO PÚBLICO PARA A CONCESIÓN DE AXUDAS E SUBVENCIÓNS E CONTRATACIÓN COA ADMINISTRACIÓN.

- Dáse conta ao Pleno da Proposta da Alcaldía ao respecto. Na mesma dise, que coa data 8 de abril de 2015, asinouse convenio entre a Axencia Tributaria de Galicia e a Federación Galega de Municipios e Provincias, para a cesión ás entidades locais de Galicia asociadas á FEGAMP, de información de carácter tributario, así como dos demais ingresos de dereito público para concesión de axudas e subvencións e contratación coa administración.

En orde á colaboración entre as administracións públicas para o desenvolvemento das súas funcións, respectando o disposto na lexislación reguladora dos dereitos e garantías de contribuíntes, propónse ao Pleno do Concello a seguinte proposta de acordo:

- "A adhesión expresa do Concello de Friol a todas e cada unha das cláusulas do convenio, asumindo as obrigas derivadas do mesmo, e con suxeción a todas e cada unha das súas cláusulas, que permita o subministro de información por medios telemáticos, dentro do establecido na normativa de aplicación.
- Facultar ao Alcalde-Presidente para a realización das xestións pertinentes e a sinatura da documentación que sexa necesaria, en orde á efectividade do acordo".

Á vista da proposta, polo Sr. Alcalde ábrese o turno de intervencións. Á vista de que polos señores concelleiros non se desexan facer intervencións ao respecto, o Pleno do Concello en votación ordinaria e por unanimidade dos asistentes (nove votos a favor) **ACORDA**:

- A adhesión expresa do Concello de Friol a todas e cada unha das cláusulas do convenio, asumindo as obrigas derivadas do mesmo, e con suxeción a todas e cada unha das súas cláusulas, que permita o subministro de información por medios telemáticos, dentro do establecido na normativa de aplicación.
- Facultar ao Alcalde-Presidente para a realización das xestións pertinentes e a sinatura da documentación que sexa necesaria, en orde á efectividade do acordo.

Unha vez rematada a votación, polo Sr. Alcalde, procedeuse a proclamar o acordo adoptado.



4.- PACTO DOS ALCALDES PARA O CLIMA E A ENERXÍA.- Dáse conta ao Pleno da Proposta da Alcaldía ao respecto. Na mesma dise que o Pacto é unha iniciativa da Comisión Europea que agrupa a miles de autoridades locais e rexionais co compromiso voluntario de aplicar nos seus territorios os obxectivos climáticos e enerxéticos da UE. A Xunta, a través de Dirección Xeral de Calidade Ambiental e Cambio Climático, da Consellería de Medio Ambiente, asume o papel de coordinadora da Comunidade Autónoma Galega do Pacto dos Alcaldes para o Clima e a Enerxía, conscientes de que a iniciativa constitúe o mellor instrumento para implicar aos concellos de Galicia na loita fronte ao cambio climático.

O seu papel fundamental para a posta en marcha de acción enfocadas a cumprir cos obxectivos da UE nesta materia:

- Redución das emisións de gases de efecto invernadoiro nun 40% de cara ao ano 2030.
- Incremento da resiliencia dos concellos ante o cambio climático.
- Cooperación con outras administracións e rexións co fin de mellorar o acceso á enerxía sostible e segura.

Co fin de traducir estes compromisos en feitos, as administracións locais comprométense a seguir a seguinte formulación por etapas:

- Levar a cabo un inventario de emisións de referencias e unha avaliación de riscos e vulnerabilidades derivados do cambio climático, mediante o aumento da eficiencia enerxética e un maior uso de fontes de enerxía renovables.
- Traballar na promoción de medidas para a adaptación ao cambio climático mediante a creación de plans de acción en favor da enerxía sustentable e o aumento da resiliencia fronte ao cambio climático.
- Elaborar un Inventario de emisións de referencia e una avaliación de riscos e vulnerabilidades derivados do cambio climático, como base para o plan de acción para o clima e a enerxía sustentable (PACES) no que se resuman as accións clave a levar a cabo
- Presentar un Plan de acción para o clima e a enerxía sustentable nun prazo de dous anos a partir da data da decisión do Concello.
- Elaborar un informe de situación polo menos cada dous anos a partir da presentación do Plan de acción para o clima e a enerxía sustentable cos fins de avaliación, seguimento e control.
- Compartir os resultados, experiencia e coñecemento con outras autoridades locais e rexionais da Unión Europea.
- Adaptar as estruturas do Concello, incluíndo a asignación de suficientes recursos humanos para o desenvolvemento das accións necesarias.
- Movilizar á sociedade civil no noso ámbito para que participe no desenvolvemento do Plan de Acción.
- Comunicar os acordos a Dirección Xeral de Calidade Ambiental e Cambio Climático da Consellería de Medio Ambiente, para facer posible as tarefas de apoio e coordinación.
- Acéptase que se suspenda a participación da administración local na iniciativa, logo de notificación por escrito da Oficina do Pacto dos Alcaldes, no caso de non presentar os devanditos documentos -Plan de acción para o clima e a enerxía sustentable e os informes de situación- nos prazos establecidos.

En orde á colaboración entre as administracións públicas para o desenvolvemento das súas funcións, na medida das posibilidades do Concello, con recursos sempre insuficientes en relación coas competencias e obrigas a cumprir, así como respectando o disposto na lexislación de réxime local e da situación do Concello de acordo coa lexislación en materia de estabilidade orzamentaria e sustentabilidade financeira, propónse ao Pleno do Concello a seguinte proposta de acordo:

- "A adhesión expresa do Concello de Friol ao Pacto dos Alcaldes para o Clima e a Enerxía, promovido pola Unión Europea.
- Facultar ao Alcalde-Presidente a representar ao Concello na sinatura do Pacto de Alcaldes, así como para a realización das xestións pertinentes e a sinatura da documentación que sexa necesaria, e en calquera outras actuacións que requira a súa execución".

Á vista da proposta, polo Sr. Alcalde ábrese o turno de intervencións. Á concelleira do Grupo Socialista Sra. Martínez Martínez, pon de manifesto que calquera medida que se adopte ao respecto de este tema é boa, polo que votarán a favor da proposta. Á vista de que polos señores concelleiros non se desexan facer intervencións ao respecto, o Pleno do Concello en votación ordinaria e por unanimidade dos asistentes (nove votos a favor)

ACORDA:

- A adhesión expresa do Concello de Friol ao Pacto dos Alcaldes para o Clima e a Enerxía, promovido pola Unión Europea.
- Facultar ao Alcalde-Presidente a representar ao Concello na sinatura do Pacto de Alcaldes, así como para a realización das xestións pertinentes e a sinatura da documentación que sexa necesaria, e en calquera outras actuacións que requira a súa execución.

Unha vez rematada a votación, polo Sr. Alcalde, procedeuse a proclamar o acordo adoptado.

5.- MODIFICACIÓN DA ORDENANZA REGULADORA DAS AXUDAS Á NATALIDADE.

Dáse conta ao Pleno da proposta da Alcaldía referida á modificación da ordenanza reguladora das axudas á natalidade, que se somete á aprobación do Pleno, en canto órgano competente para elo. O Concello, considerando o interese público o apoio as familias, circunscribíndose, dentro do mesmo o fomento da natalidade ou adopción, prestou aprobación á ordenanza en sesión plenaria celebrada o 13 de decembro de 2018. Unha vez tramitada segundo o disposto na normativa de aplicación, o acordo plenario e o texto da mesma, publicouse no Boletín Oficial da Provincia.

O fundamento e o fin da ordenanza é incentivar os novos nacementos de fillos de familias que residan no termo municipal. Na mesma regúlase o réxime xurídico do outorgamento de axudas para o fomento da natalidade e da adopción neste Concello, coa finalidade de axudar a fixar poboación dentro do termo municipal.

No referente aos requisitos para a concesión das subvención, no art. 5 da mesma decíase que os ingresos da unidade familiar non pode superar 3.5 veces o SMI, sinalado para o ano correspondente no que se efectúe a solicitude de axuda. Non obstante, á vista de solicitude presentada que excedía dos ingresos previstos, considerouse que se trata de



CONCELLO DE FRIOL (LUGO)

fomentar a natalidade, non debendo deixar sen a axuda a aqueles que con maior nivel de ingresos, se decidan a ter fillos.

Por elo, propónse a modificación da mesma, suprimindo o requisito de referencia, así como polo tanto a obriga de presentación da documentación á que se refire no art 7. f) "Fotocopia da última declaración da renda, ou no seu defecto certificación negativa de Facenda" e art.7 .g) "Poderán solicitarse xustificantes económicos de tódolos membros da unidade familiar, referidos ao período computable: nóminas, contratos de traballo, recibos de pensións ou calquera documentación que corresponda a cada caso e xustifique a situación económica". A referencia á declaración da renda, tamén se suprime no Anexo de solicitude da axuda.

Despois da exposición do Sr. Alcalde, conclúe que tratándose de unha medida de fomento da natalidade, considera que debe ter dereito todo o que se decida a ter fillos, con independencia da súa situación económica. Ademais considera que tampouco a repercusión nos orzamentos municipais será moita, xa que non serán tantos os casos en que se plantexe. Conclúe dicindo que en todo caso, se fixera falta, incrementaríase a previsión, e esa sería a esencia da natalidade, contribuír ao fomento da natalidade.

A concelleira do Grupo Socialista Sra. Martínez Martínez, pon de manifesto que votarán a favor da proposta, recordando as críticas ás políticas de Zapatero do "cheque bebé", aínda que agora se trate dunha actuación a menor escala. Ao respecto, despois dun breve cruce de intervencións co Sr. Alcalde, ponse de manifesto a unanimidade en torno á proposta e procedeuse a pechar o turno de intervencións.

Á vista do actuado, da documentación obrante ao respecto, o Pleno do Concello, en votación ordinaria e por unanimidade dos asistentes (nove votos a favor) **ACORDA:**

- A aprobación inicial da modificación da ordenanza reguladora das axudas á natalidade, conforme se transcribe a continuación.
- En cumprimento do disposto no art. 49 da Lei 7/85, de 2 de abril, reguladora das bases de réxime local, que se someta ao trámite de información pública no taboleiro de anuncios do concello por un prazo de trinta días, contados a partir do seguinte ao da publicación de edicto no Boletín Oficial da Provincia, para que os interesados poidan examinar os expedientes e presentar as reclamacións ou suxerencias que estimen oportunas, no devandito prazo.
- Que se dea conta ao Pleno do Concello das reclamacións que se presenten, que se resolverán polo mesmo con carácter definitivo. No caso de non presentarse, o acordo, ata entón provisional, elevarase a definitivo, sen necesidade de novo acordo plenario.
- Que os acordos definitivos e o texto da ordenanza se publiquen no Boletín Oficial da Provincia, para a súa vixencia e posible impugnación xudicial, conforme ao previsto nos artigos 49 e 70.2 do Lei Reguladora das Bases de Réxime Local.

"ORDENANZA REGULORA DAS AXUDAS POR NACEMENTO OU ADOPCIÓN NO CONCELLO DE FRIOL.-

Art. 1.- Fundamento.- A presente ordenanza ten o seu fundamento nas competencias que o art. 2 e o art. 23.1 da Lei 7/85, de 2 de abril, Reguladora das Bases de Réxime Local, outorga a este Concello.

O artigo 25 da Lei 7/85, de 2 de abril, establece que os Concellos para a xestión dos seus intereses e no ámbito das súas competencias, poden promover toda clase de actividades e contribúan a satisfacer as

necesidades e aspiracións da comunidade veciñal. O Concello considera de interese público o apoio as familias, circunscribíndose, dentro do mesmo o fomento da natalidade ou adopción. Este é o fundamento e o fin da presente ordenanza que pretende incentivar os novos nacementos de fillos de familias que residan no termo municipal.

Art. 2.- Obxeto.- O obxeto desta ordenanza é a regulación do réxime xurídico do outorgamento de axudas para o fomento da natalidade e da adopción neste Concello, coa finalidade de axudar a fixar poboación dentro do termo municipal.

Art. 3.- Natureza da axuda.- As axudas que se outorguen conforme á presente ordenanza teñen a natureza de subvención directa conforme ao establecido no artigo 22.2.c) da Lei 38/2003, de 17 de novembro, Xeral de Subvencións e na Lei 9/2007, de 13 de xuño de subvencións de Galicia.

Art. 4.- Beneficiarios.- Serán beneficiarios das subvencións rexidas pola presente ordenanza:

- a) Os proxenitores, xa sexan casados, parellas de feito ou familias mono parentais, que vaian ter fillos.
- b) Os adoptantes de nenos menores de 18 anos.

Nos supostos de nulidade, separación ou divorcio dos proxenitores, será beneficiario o proxenitor que teña a custodia do fillo/a.

Art. 5.- Requisitos para a concesión da subvención.- Dará lugar ao recoñecemento da subvención, cada nacemento que teña lugar ou cada adopción que se formalice por los beneficiarios sinalados no artigo anterior a partir de 1 de xaneiro de 2019.

Para elo será requisito imprescindible, que residan no Concello con carácter efectivo e acreditados neste Concello alomenos dous anos de antigüedad un dos proxenitores, ou adoptantes, no caso de casados ou parellas de feito, ou no seu caso de familias monoparentais. Será documento acreditativo o certificado de empadramento e inscrición no padrón de habitantes, así como o libro de familia.

- O menor recién nado ou adoptado, terá que ser empadroadado por primeira vez neste concello e convivir cos solicitantes no mesmo enderezo. Será documento acreditativo o certificado de empadramento e inscrición no padrón de habitantes. No caso de que algún dos proxenitores se atope traballado no estranxeiro ou noutra comunidade, non figurando empadroadado neste concello, deberá acreditálo con copia do correspondente contrato de traballo.

Será requisito para o pago efectivo da axuda, que as persoas beneficiarias sinaladas nos apartados anteriores continúen residindo no Concello, e que en todo caso, o recién nado fora empadroadado por primeira vez no Concello. No caso de adopción, que no prazo dun mes a contar dende a resolución xudicial, sexa inscrito no padrón, asimismo no enderezo do adoptante.

En ningún caso poderán ser beneficiarios os proxenitores privados da patria potestade dos seus fillos, ou si a tutela ou garda fora asumida por unha institución pública.

Os beneficiarios deberán atoparse ao corrente dos seus deberes tributarios coa Facenda, coa Seguridade Social e co Concello de Friol, cuestión esta última que será comprobada de oficio polo propio Concello.

Art. 6.- Coantía das axudas e imputación do gasto.- Cada nacemento que teña lugar, ou cada adopción que se formalice cumprindo os requisitos sinalados nesta ordenanza, será obxecto dunha axuda de 600 €

Considerarase unidade familiar a formada polo pai, nai, titor de garda e protección do menor e os fillos solteiros menores de 25 anos que convivan no enderezo familiar ata a data da solicitude.

Non poderá percibirse máis dunha axuda por nacemento ou adopción. No caso de partos múltiples terase dereito a percibir un 100% adicional para cada fillo. No caso de adopción de máis dun menor, terase en conta a mesma porcentaxe de incremento.

O Concello anualmente no seu orzamento, como requisito imprescindible, destinará a cantidade a conceder por axudas á natalidade. A imputación do gasto realizarase con cargo a esa partida orzamentaria específica, que se creará no orzamento xeral do Concello, cuxa existencia vincularase á aplicación desta ordenanza na medida en que debe estar previsto no crédito de xeito adecuado e suficiente para a súa efectividade.



CONCELLO DE FRIOL (LUGO)

Non obstante o disposto no apartado anterior, á vista das cifras resultantes, previa a tramitación da correspondente modificación orzamentaria, poderá incrementar ou disminuir o importe global e en consecuencia, a cantidade a outorgar a cada beneficiario.

Art. 7.- Procedemento de concesión.- As axudas solicitaranse ao Sr. Alcalde-Presidente, e presentaranse no Rexistro Xeral do Concello ou polos procedementos previstos na Lei 39/2015 de 1 de outubro de procedemento administrativo das administracións públicas, dentro dos meses seguintes ao nacemento ou adopción. Deberá presentarse conforme ao modelo que figura como anexo na presente ordenanza, no que expresamente se declarará que se cumpre con tódolos requisitos establecidos na presente ordenanza.

- Xunto coa solicitude deberá presentarse a seguinte documentación:
 - a) Copia compulsada do DNI, pasaporte ou documento administrativo que acredite a identificación do solicitante como beneficiario/a dos proxenitores.
 - b) Fotocopia do libro de familia.
 - c) Certificado de nacemento do recién nacido expedido polo Rexistro Civil, no caso de nacementos.
 - d) Copia autenticada da resolución xudicial no caso de adopción
 - e) Certificado de empadramento dos beneficiarios que acredite a residencia efectiva no Concello alomenos dous anos, dun dos proxenitores, así como de inscrición no padrón de habitantes dos beneficiarios co recién nacido ou adoptado/a. Indicarase a data de empadramento do recém nacido e a causa de inscrición. Engadirase unha declaración, na que conste o compromiso de continuar empadornado durante un ano mais, salvo causas que xustificasen o cambio.
 - f) Convenio regulador ou sentenza xudicial de nulidade separación ou divorcio no seu caso.
 - g) Certificacións de atoparse ao corrente no cumprimento dos deberes tributarios e coa Seguridade Social ou autorización ao órgano municipal competente no seu caso. No Concello comprobarase de oficio que os solicitantes están ao corrente no cumprimento dos deberes fiscais municipais.
 - h) Documentación acreditativa da titularidade da conta bancaria na que se solicita o ingreso da axuda.
 - i) Declaración xurada das axudas solicitadas ou recibidas para a mesma finalidade.

Será instrutor do expediente a Concellería competente en materia de Servizos Sociais. Si a solicitude non reúne tódolos requisitos establecidos na convocatoria, o órgano competente requerirá á/ao interesada/o para que os subsane no prazo máximo de dez días, indicándolle que se non o fixera aterase por desistida/o da súa solicitude, previa resolución que deberá ditarse nos términos previos na lexislación reguladora de procedemento administrativo.

A través do instrutor do expediente e unha vez completada a documentación formularase a correspondente proposta de resolución, debidamente motivada. As axudas concederanse pola Xunta de Goberno Local. As resolucións ou acordos de concesión da axuda faranse por orden cronolóxica de solicitude soamente poderán ser denegadas polos seguintes motivos:

- a) Non cumprir os requisitos establecidos na ordenanza para a concesión da axuda.
 - b) Presentar a solicitude fora do prazo establecido na ordenanza.
 - c) Estar agotado o crédito orzamentario habilitado na partida para esta finalidade.
- As solicitudes resolveranse no prazo máximo de 3 meses a contar dende a data de presentación da solicitude. O vencemento do prazo máximo sin que se houbera notificado a resolución lexítima aos interesados para entender desestimado a solicitude de concesión por silencio administrativo.

Art. 8.- Abono das Axudas.- O pago da axuda concedida efectuarase do seguinte xeito:

- a) Un pagamento do 75% da axuda concedida mediante transferencia bancaria á conta que indicara o beneficiario da solicitude, dentro do mes seguinte á data de concesión da axuda.
 - b) Un pagamento do 25% da axuda cando se acredite a residencia efectiva de un ano desde o nacemento ou adopción.

Art. 9.- Compatibilidade das axudas.- As presentes axudas serán compatibles con calquera outra establecida polas Administracións Públicas ou calquera dos seus organismos.

Art. 10.- Deberes dos beneficiarios.- A presentación de solicitude polos beneficiarios supón a aceptación incondicional das bases.

Os beneficiarios quedan obrigados a comunicar ao Concello calquera circunstancia que modifique os requisitos para obter a subvención. Os beneficiarios están obrigados a reintegrar a axuda concedida cando se incumplan os requisitos para a súa concesión establecidos nas presentes bases.

Art.11.- Responsabilidades.- Calquera falsidade que se detecte dará lugar ao non recoñecemento da axuda, ou no seu caso de ter percibida xa a mesma, á devolución cos intereses legais correspondentes, independentemente das responsabilidades administrativas, civís ou penais que se puideran esixir.

Art.12.- Reintegro das Axudas.- O incumprimento dos requisitos establecidos nas presentes bases conleva o reintegro das axudas concedidas. No caso de non cumprir co disposto, no referente a permanecer un ano mais empadroadado, desde o nacemento ou adopción, dará lugar ao reintegro da axuda. No caso de causas xustificadas para elo, o reintegro limitarase ao 50% da axuda concedida.

O réxime xurídico do reintegro das axudas, será o establecido no Título II da Lei 38/2003, de 17 de novembro, Xeral de Subvencións e na Lei 9/2007 de 13 de xuño de Subvencións de Galicia.

Art. 13.- Infraccións e Sancións.- Serán as establecidas nos artigos 52 e seguintes da Lei 38/2003 de 17 de novembro, Xeral de Subvencións.

Art. 14.- Réxime Xurídico.- A normativa que regula a concesión das axudas á natalidade, no que non estea previsto nestas bases, será a establecida na Lei 9/2015 de 1 de outubro de procedemento administrativo común, na Lei 38/2003, de 17 de novembro, Xeral de Subvencións e no Real Decreto 887/2006, de 21 de xullo, polo que se aproba o Regulamento Xeral de Subvencións, así como na Lei 9/2007, de 13 de xuño, de subvencións de Galicia.

DISPOSICIÓN TRANSITORIA

Durante o exercicio 2019, tomaranse en consideración os nados dende o 1 de xaneiro ao 31 de decembro de 2019, aos efectos da súa consideración como beneficiarios das axudas contempladas. En todo caso, deberá esperarse a que conclúa a tramitación do expediente de aprobación da ordenanza, de conformidade coa normativa de aplicación, para o devengo da axuda, no caso de que o nacemento ou adopción fose de data anterior á conclusión do mesmo.

DISPOSICIÓN FINAL

A presenta ordenanza, unha vez aprobada polo Pleno do Concello, entrará en vigor, unha vez publicado o seu texto íntegro no Boletín Oficial da Provincia de Lugo e transcurra o prazo previsto no artigo 62.2 da Ley 7/85 de 2 de abril, por remisión do disposto no artigo 70.2 do devandito texto legal, permanecendo en vigor ata a súa modificación ou derogación expresa.

ANEXO I

SOLICITUDE DE AXUDA PARA O FOMENTO DA NATALIDADE NO CONCELLO DE FRIOL

SOLICITANTE

<u>Nome e Apelidos</u>	<u>D.N.I.</u>	<u>Teléfono</u>

DIRECCION PARA NOTIFICACIÓNS

<u>Rua/lugar</u>	<u>Número</u>	<u>Parroquia</u>	<u>Correo Electronico</u>

DATOS DO FILLO

<u>Nome e Apelidos</u>	<u>Data de nacemento</u>

DOCUMENTACIÓN QUE ADXUNTA:

- Copia compulsada de DNI, pasaporte ou documento administrativo que acredite a identificación do solicitante como beneficiario/a dos proxenitores.
- Fotocopia do libro de familia.
- Certificado de nacemento do recién nado expedido polo Rexistro Civil
- Copia compulsada da resolución xudicial no caso de adopción.
- Certificado de empadroadamento dos beneficiarios que acredite a residencia efectiva no Concello durante alomenos dous anos dun dos proxenitores, así como de inscrición padroal dos beneficiarios co recién nacido ou adoptado, indicando a data de empadroadamento do recién nacido e a causa de inscrición. Engadirase unha declaración, na que conste o compromiso de continuar empadroadado durante un ano mais, salvo causas que xustificasen o cambio
- Convenio regulador ou sentenza xudicial de nulidade, separación ou divorcio no seu caso.



CONCELLO DE FRIOL (LUGO)

- Certificación de atoparse ao corrente no cumprimento das obrigas tributarias e coa Seguridade Social ou autorización do órgano municipal competente no seu caso. O Concello comprobará de oficio que os solicitantes están ao corrente no cumprimento dos deberes fiscais municipais.
- Documentación acreditativa da titularidade da conta bancaria na que se solicita o ingreso da axuda.
- Declaración xurada das axudas solicitadas ou recibidas para a mesma finalidade.

DECLARA BAIXO A SÚA RESPONSABILIDADE

Que cumpre con tódolos requisitos establecidos na Ordenanza Municipal do Concello de Friol, reguladora da concesión de axudas para o fomento da natalidade do Concello de Friol, aprobada polo Pleno do Concello, para poder obter as axudas reguladas na mesma.
Friol, a"

Unha vez rematada a votación, polo Sr. Alcalde proclamouse o acordo adoptado.

6.- DECRETOS DA ALCALDÍA.- Dáse conta ao Pleno das Resolucións da Alcaldía, transcritas ao Libro de Resolucións, das datas comprendidas nos meses de outubro a decembro de 2018.

7.- INFORMES DA ALCALDÍA.- A instancias do Sr. Alcalde, polo Secretario dáse conta das cuestións que a continuación se relacionan, de interese para o Pleno, sen que houbera ningunha obxección ao respecto:

- Informe de Avaliación e comunicación ao Ministerio, en relación co presuposto da entidade para o exercicio de 2019, co cumprimento dos obxectivos que contempla a Lei Orgánica 2/2012, que supoñen que o presuposto do Concello de Friol, cumpre co obxectivo de Estabilidade Orzamentaria, sendo o nivel de débeda viva 0,00.
- Acordo da Xunta de Goberno, na sesión do 21 de xaneiro do actual, do que se transcribe a continuación o seu tenor literal:

".- MODIFICACIÓN DO PLAN PARCIAL DO PARQUE EMPRESARIAL DE FRIOL.- Visto que o Concello de Friol, na sesión celebrada polo Pleno o 9 de decembro de 2004 prestou aprobación ao PLAN PARCIAL DO PARQUE EMPRESARIAL DE FRIOL.

Visto que se considera vital para o seu desenvolvemento e posta en valor dos terreos de uso industrial, a máxima flexibilidade e a adecuación aos procesos produtivos propios e potenciadores da zona. Estando moi vencellados os procesos de primeira transformación ao sector da alimentación, para atender a este sector, intentando asentarse no Concello a totalidade da cadea produtiva, incluíndo a produción da materia prima, a súa transformación e incluso a súa degustación e comercialización, bótase en falta que o Plan Parcial do Parque empresarial, compatibilice os usos de comercialización e degustación nos propios establecementos, incluso con actividades hosteleiras, sempre a carón do uso industrial ou almacén. Por elo, decídese unha modificación da normativa que permita facilitar a implantación de estes usos compatibles, sempre dentro do uso específico, dentro da limitación establecida na normativa do plan parcial, que esixe que a superficie máxima dos usos compatibles sexa en todo caso menor á metade da superficie edificable máxima materializable na parcela.

Para elo, faise preciso á avaliación ambiental estratéxica, mediante a solicitude de inicio a presentar ante a Secretaría Xeral de Calidade e Avaliación Ambiental, da documentación esixida pola lexislación sectorial, tramitada polo método simplificado, que ven definida polo borrador do plan e documento ambiental estratéxico.

De conformidade co establecido na vixente lexislación de réxime local, corresponde á Alcaldía a aprobación dos instrumentos de planeamento de desenvolvemento do planeamento xeral non expresamente atribuídas ao Pleno, así como a dos instrumentos de xestión urbanística e dos

proxectos de urbanización. A competencia delegouse no seu día na Xunta de Goberno Local. Non obstante, facer constar que a aprobación que poña fin á tramitación municipal dos plans e demais instrumentos de ordenación previstos na lexislación urbanística, corresponderá ao Pleno do Concello.

Á vista do disposto no art. 46 da lei 2/2016 de 10 de febreiro, do solo de Galicia, así como no Decreto 143/2016 de 22 de setembro, polo que se aproba o regulamento da lei, iniciada a fases de formulación do planeamento, redactarase un borrador do plan e do documentos inicial estratéxico, dando traslado de solicitude de inicio de avaliación ambiental estratéxica.

Á vista do exposto, da documentación obrante no expediente e dos disposto na normativa de aplicación, en orde á iniciación da tramitación pertinente, a Xunta de Goberno (en canto órgano competente por delegación da Alcaldía en xuño de 2015), en votación ordinaria e por unanimidade dos asistentes (tres votos a favor) **ACORDA** a remisión en formato papel e dixital do borrador do plan e documento ambiental estratéxico da modificación parcial SUB-PI do Parque Empresarial de Friol, aos efectos de avaliación ambiental estratéxica simplificada, de conformidade co disposto na normativa de aplicación e aos efectos que legalmente procedan".

En relación coa proposta de modificación do Plan parcial, infórmase de un xeito resumido ao Pleno do Concello, da tramitación a seguir de conformidade co disposto na lexislación aplicable. Segundo o disposto na mesma, corresponderalle ao Pleno a aprobación definitiva do mesmo.

8.- ROGOS E PREGUNTAS.- A continuación o Sr. Alcalde pregunta aos señores concelleiros se queren facer algún rogo ou pregunta, non constando a presentación de ningunha cuestión por escrito con anterioridade á sesión.

A concelleira do Grupo Socialista Sra. Martínez Martínez pregunta pola situación da recollida de lixo, en relación cos contenedores na esquina xunto ao supermercado Froiz, practicamente cheos todos os días, o que da un mal aspecto á praza. Di que haberá que buscar algunha solución, poñer mais contenedores ou incrementar, no seu caso, a frecuencia da recollida, xa que aínda que en calquera sitio ofrece unha mala imaxe, elo agrávase por estar no centro do povo.

O Sr. Alcalde responde que a recollida faise todos os días pola noite. Estudiarase o tema, a ver como se pode solucionar. Refírese tamén ás barandillas de acceso ás escaleiras, que xa chegaron e estase pendente da súa colocación.

Antes de proceder a levantar a sesión, o Sr. Alcalde di que se trata do último pleno ordinario da lexislatura, polo que quere agradecer a labor do equipo de goberno, así como dos concelleiros da oposición, que fixeron a mesma dun xeito construtivo, respetuoso de coherente. Espera que si dentro de uns meses volven a estar aquí todos, calquera que sexa a posición que lles toque ocupar, que sexa nos mesmos termos e co mellor proveito para os veciños de Friol.

E non sendo outro o obxecto do presente acto, á vista de que non hai mais asuntos que tratar na orde do día, polo Sr. Alcalde levántase a sesión, sendo ás trece horas e coarenta minutos da data ao principio indicada, de todo o que que eu, Secretario, redacto a presente acta e dou fe.